

**Cofnodion Drafft Cyfarfod y Bwrdd ar 26 Mawrth 2025**  
**Cynhaliwyd yn 3.7, CQ2 ac yn electronig trwy Microsoft Teams**  
**Wedi'i ffrydio'n fyw ar y Rhyngrwyd**

<b>Yn bresennol:</b>		
Pippa Britton	(PB)	Cadeirydd y Bwrdd
Tracey Cooper	(TC)	Prif Weithredwr
Iain Bell	(IB)	Cyfarwyddwr Cenedlaethol Gwybodaeth ac Ymchwil Iechyd y Cyhoedd
Claire Birchall	(CB)	Cyfarwyddwr Gweithredol Nyrsio, Ansawdd a Llywodraethu Integredig
Diane Crone	(DC)	Cyfarwyddwr Anweithredol (Prifysgol) a Chadeirydd y Pwyllgor Ansawdd, Diogelwch a Gwella
Nick Elliott	(NE)	Cyfarwyddwr Anweithredol (Data a Digidol) a Chadeirydd y Pwyllgor Archwilio a Llywodraethu Corfforaethol
Huw George	(HG)	Dirprwy Brif Weithredwr, Cyfarwyddwr Gweithredol Gweithrediadau a Chyllid
Sian Griffiths	(SG)	Cyfarwyddwr Anweithredol (Iechyd y Cyhoedd) a Chadeirydd y Canolfan Wybodaeth, Ymchwil a'r Pwyllgor Gwybodaeth ( <i>gadawodd am 13:51</i> )
Clare Jenkins	(CJ)	Is-Gadeirydd y Bwrdd a Chyfarwyddwr Anweithredol
Tamsin Ramasut	(TR)	Cyfarwyddwr Anweithredol (Cydraddoldeb ac Amrywiaeth)
Kate Young	(KY)	Cyfarwyddwr Anweithredol (Trydydd Sector) a Chadeirydd y Pwyllgor Pobl a Datblygu Sefydliadol
Sumina Azam	(SA)	Cyfarwyddwr Cenedlaethol Polisi ac Iechyd Rhyngwladol
Meng Khaw	(MK)	Cyfarwyddwr Cenedlaethol Gwasanaethau Diogelu Iechyd a Sgrinio, Cyfarwyddwr Meddygol Gweithredol.
<b>Yn Bresennol:</b>		
Nathan Jones	(NJ)	Pennaeth Strategaeth, Cynllunio a Materion Corfforaethol (ar gyfer Eitem 4.2)
Neil Lewis	(NL)	Cyfarwyddwr Pobl a Datblygu Sefydliadol
Jim McManus	(JM)	Cyfarwyddwr Cenedlaethol Iechyd a Llesiant
Catherine Richardson		Graddedig dan Hyfforddiant (Arsylwi)
Paul Veysey	(PV)	Ysgrifennydd y Bwrdd a Phennaeth Uned Fusnes y Bwrdd
Angela Williams	(AW)	Dirprwy Gyfarwyddwr Gweithrediadau a Chyllid
<b>Ymddiheuriadau:</b>		
Claire Sullivan	(CS)	Cynrychiolydd Ochr Staff

*Dechreuodd y cyfarfod am 11:15*

<b>ICC 2025.03.26/1</b>	<b>Croeso ac Ymddiheuriadau</b>
<p>Croesawodd PB bawb i'r cyfarfod a gynhaliwyd wyneb yn wyneb yn CQ2 ac estynnodd groeso cynnes i'r rhai a oedd yn gwyllo'r trafodion ar-lein.</p> <p><b>Nododd y Bwrdd yr Ymddiheuriadau</b> a restrir uchod.</p>	
<b>ICC 2025.03.26/2</b>	<b>Datganiadau o Fuddiant</b>
<p>Gofynnodd NE am Ddatganiadau o Fuddiant heblaw'r rhai a gofnodwyd eisoes ar y Gofrestr Datganiadau o Fuddiant. Nid oedd unrhyw ddatganiadau eraill.</p>	
<b>ICC 2025.03.26/3</b>	<b>Fframwaith Sicrwydd y Bwrdd</b>
<b>ICC 2025.03.26/3.1</b>	<b>Adroddiad y Prif Swyddog Gweithredol</b>
<p>Wrth gyflwyno Adroddiad y Prif Weithredwr, tynnodd TC sylw at uchafbwyntiau allweddol:</p> <ul style="list-style-type: none"> <li>• Estynnodd TC ei llongyfarchiadau i HG ar ei secondiad i swydd Prif Gomisiynydd Cydbwyllgor Comisiynu GIG Cymru a diolchodd iddo ar ran y Bwrdd am ei gefnogaeth a'i Arweinyddiaeth i'r Sefydliad dros y 15 mlynedd diwethaf.</li> <li>• Tynnodd TC sylw at ymweliad diweddar gan Dr Pierre-Gerlier Forest, Llywydd a Phrif Weithredwr Sefydliad Cenedlaethol Iechyd Cyhoeddus Quebec (INSPQ), gan nodi'r synergeddau lechyd y Cyhoedd ac aeth ymlaen i nodi'r ymgysylltiad â Sefydliad Iechyd y Byd i Lywodraeth Cymru gynnal deialog polisi rhyngwladol ar yr economi lles.</li> <li>• Wrth fyfyrio ar Raglen y Llysgenhadon Ifanc, tynnodd TC sylw at weithdy diweddar gyda sefydliadau partner pobl ifanc, a gefnogwyd gan PB a KY i drafod y ffordd orau o gyrraedd pobl ifanc ar draws Cymru.</li> <li>• Rhoddodd PV yr wybodaeth ddiweddaraf am adroddiad Modiwl 1 Ymchwiliad Cyhoeddus COVID-19 y DU, gan nodi bod Pwyllgor Diben Arbennig y Senedd wedi edrych ar fylchau posibl yng Nghymru. Roedd y Sefydliad yn ystyried y naw argymhelliad a wnaed yn fewnol a byddai'n cefnogi'r Pwyllgor Diben Arbennig yn ôl yr angen.</li> <li>• Estynnodd IB ei longyfarchiadau i Alisha Davies ar ennill medal yr Arlywydd gan Gyfadran Iechyd y Cyhoedd.</li> </ul> <p>Diolchodd PB i TC am y trosolwg a gwahoddodd gwestiynau gan y Bwrdd. Adleisiodd PB ddiolchiadau TC i HG a chroesawodd AF i rôl dros dro Cyfarwyddwr Gweithredol Gweithrediadau a Chyllid o fis Ebrill 2025. Daeth PB â'r eitem i ben drwy ddiolch i KY am ei chefnogaeth a'i chyfraniad i Raglen y Llysgenhadon Ifanc.</p> <p><b>Nododd y Bwrdd Adroddiad y Prif Weithredwr a chymerodd sicrwydd</b> o'r Adroddiad a'r trafodaethau yng nghyfarfod y Bwrdd.</p>	
<b>ICC 2025.03.26/3.2</b>	<b>Trosolwg Diweddaraf o Iechyd y Cyhoedd</b>
<p>Cyflwynodd IB y Dangosfwrdd Trosolwg Iechyd y Cyhoedd diweddaraf, gan dynnu sylw at y canlynol:</p> <ul style="list-style-type: none"> <li>• Cynnydd yn y data marwolaethau yn ystod mis Ionawr 2025. Dywedodd IB fod hyn oherwydd cyflyrau anadlol yn ystod y gaeaf ac yn unol â blynyddoedd blaenorol.</li> <li>• Gan ystyried penderfynyddion ehangach, cynghorodd IB am y bwriad i weithio ochr yn ochr â phartneriaid eraill yn y maes hwn i gynnal arbenigedd iechyd y cyhoedd ym maes gweithgarwch economaidd a salwch hirdymor.</li> </ul>	



- Wrth fyfyrrio ar ymddygiadau iach, a thueddiadau camddefnyddio sylweddau ysmegu ac alcohol, nododd IB y gwaith sy'n mynd rhagddo o fewn tîm JM ar asesiad o anghenion alcohol a chyffuriau er mwyn bwrw ymlaen â'r camau gweithredu iechyd y cyhoedd sydd eu hangen.
- Gan gyfeirio at y data ynghylch clefydau heintus a gwasanaethau iechyd y cyhoedd, daeth IB â'i ddiweddariad i ben drwy dynnu sylw at y duedd sy'n gwella sy'n gysylltiedig â rhagnodi gwrthficrobaidd.

Myfyriodd TC ar y newidiadau i dueddiadau rhywedd a'r anghydraddoldeb parhaus rhwng y rhywiau a menywod sy'n gysylltiedig â disgwyliad oes iach ers 2019, ochr yn ochr â phlant a'r rhai â nodweddion gwarchoddedig. Gwnaeth IB sylwadau ar y gwaith sydd eisoes ar y gweill i nodi'r materion sy'n cyfrannu at y dirywiad, megis iechyd meddwl, costau byw a rhestrau aros a'r bwriad i ddatblygu rhaglenni gwaith o amgylch hyn.

Amlygodd PB y newidiadau sylweddol i fenywod dros 60 oed a gwnaeth sylwadau ar y potensial i weithio gydag elusennau alcohol ar y data ynghylch defnyddio alcohol. Awgrymodd IB y gallai hyn ffurfio rhan o'r asesiad o anghenion alcohol.

Holodd TR y rheswm dros yr anghydraddoldeb rhwng y rhywiau mewn rhestrau aros. Cynghorodd IB fod menywod yn defnyddio gofal eilaidd yn amlach na dynion, felly gallai cynnydd mewn rhestrau aros arwain at effaith wahaniaethol. Cytunodd IB i archwilio'r maes hwn ymhellach a gweithio gyda byrddau iechyd i wella mynediad at ddata rhestrau aros.

Ailadroddodd JM y byddai'r asesiad o anghenion alcohol a chyffuriau yn cynnwys safbwyntiau rhanddeiliaid a gwnaeth sylwadau ar yr angen i ddarparu amseroedd aros da o amgylch alcohol, ysmegu a phwysau i wneud gwahaniaeth i iechyd a disgwyliad oes menywod. Gan nodi defnyddioldeb y dangosfwrdd, myfyriodd KY ar dueddiadau yn ymwneud â phrisiau bwyd uchel, anghenion ariannu lefel gymunedol o amgylch argyfwng, manau cynnes a banciau bwyd, cymorth i fenywod fynychu apwyntiadau gan mai nhw oedd prif ofalwr y teulu yn dal i fod yn bennaf a newidiadau i'r system fudd-daliadau. Gwnaeth KY a PB sylwadau ar yr angen i weithio'n rhagweithiol gyda Sefydliadau partner i helpu i fynd i'r afael â'r meysydd hyn.

Aeth PB ymlaen i wahodd MK i roi'r wybodaeth ddiweddaraf am glefydau heintus. Tynnodd MK sylw at:

- Achos o dwymyn Lassa mewn ymwelydd o Nigeria, heb unrhyw achosion eilaidd wedi'u hadrodd.
- Y penderfyniad i ddad-ddwysáu ac ail-ddynodi brech M fel clefyd heintus â chanlyniadau uchel.
- Cyhoeddwyd bod yr achosion o glefyd Marburg yn Tanzania drosodd ar 13 Mawrth 2025.
- I nodi diwrnod TB y Byd ar 24 Mawrth 2025, cynhaliodd y Sefydliad symposiwm Iechyd Cyhoeddus Cymru ar Dwbercwlosis (TB), gan amlygu'r angen am ymwybyddiaeth a gweithredu parhaus yng Nghymru yn sgîl y cynnydd yn nifer yr achosion.

Bu'r Bwrdd yn trafod ac yn craffu ar Adroddiad y Dangosfwrdd Trosolwg Cyflym a nododd y meysydd penodol o ddadansoddi data sydd ar y gweill.

ICC 2025.03.26/3.3

## Adroddiad Perfformiad Integredig (Mis 11), Adroddiad Cyllid

Cyflwynodd HG yr Adroddiad Perfformiad wedi'i ddiweddarau i'r Bwrdd a thynnodd cydweithwyr gweithredol sylw at y materion allweddol canlynol:

- Rhoddodd NL yr wybodaeth ddiweddaraf am gyfraddau absenoldeb oherwydd salwch ar draws y Sefydliad, gan nodi'r camau gweithredu sydd ar y gweill i hyrwyddo llesiant staff a'r gefnogaeth helaeth sydd ar waith i reolwyr. Holodd aelodau'r Bwrdd a oedd unrhyw faterion penodol wedi'u nodi o fewn y categori "Pryder/straen/iselder/salwch seiciatrïg eraill" a'r posibilrwydd o gwestiynu'r data i nodi unrhyw dueddiadau penodol. Rhoddodd NL sicrwydd bod y tueddiadau wedi cael eu hystyried a chytunodd i fyfyrïo ar y ffordd orau o ddadansoddi'r data ymhellach i nodi tueddiadau penodol.

### Cam Gweithredu: NL

- Rhoddodd CB yr wybodaeth ddiweddaraf am ddau gais Rhyddid Gwybodaeth (FOI) nad oeddent yn cydymffurfio a'r camau gweithredu sydd ar y gweill i fynd i'r afael â'r rhain. Aeth CB ymlaen i roi'r wybodaeth ddiweddaraf am gyfraddau cau digwyddiadau oedd y tu allan i'r targed. O ystyried Digwyddiad Rhybudd Cynnar Bron Brawf Cymru, cododd NE yr angen i ehangu cynlluniau Parhad Busnes i sicrhau eu bod yn ystyried risgiau penodol a risgiau annisgwyl. Cytunodd MK â hyn a gwnaeth IB sylw y byddai agweddau'r portffolio digidol yn cael eu cynnwys yn y gwersi a ddysgwyl.
- Rhoddodd MK yr wybodaeth ddiweddaraf am arosiadau asesu Sgrinio'r Coluddyn a Sgrinio'r Fron, a oedd ill dau islaw'r safonau cenedlaethol, a'r camau gweithredu sydd ar y gweill i wella perfformiad ar draws y ddwy raglen sgrinio, gan gynnwys ymgysylltu'n rheolaidd â darparwyr y Bwrdd Iechyd a chynyddu capasiti. Wrth ystyried yr effaith bosibl ar gleifion sgrinio'r fron, cefnogodd aelodau'r Bwrdd fwriad MK i gynyddu'r drafodaeth ar lefel genedlaethol i wneud y gorau o lwybrau canser ac amseroedd aros ar draws Cymru.
- Rhoddodd HG yr wybodaeth ddiweddaraf am gyflawni cerrig milltir y Cynllun Strategol, gan nodi'r perfformiad cryf a bod y rhan fwyaf o'r cerrig milltir ar y trywydd iawn i'w cyflawni erbyn mis Mawrth 2025. Tynnodd TC sylw at y bwriad i gynnal adolygiad blynyddol manwl ym mis Mai, a phwysigrwydd mesur effaith y cerrig milltir.
- Croesawodd TR gynnwys data anghydraddoldebau ac aeth ymlaen i holi a oedd unrhyw wersi wedi'u dysgu o'r dadansoddiad o ddisgwyliad oes iach gan awdurdodau lleol, yn enwedig Caerffili. Nododd JM fod tystiolaeth bod effeithiau capasiti cymunedol lleol a seilwaith cymunedol yn effeithio'n gadarnhaol ar ddisgwyliad oes iach a chytunodd IB i adolygu'r data yn fanylach ac adrodd yn ôl ar unrhyw fyfyrddodau.

### Cam Gweithredu: IB

Daeth HG â'r diweddariad i ben drwy gyflwyno'r adroddiad cyllid, gan nodi'r tanwariant disgwyliedig, y system sy'n gweithio i reoli cyllidebau cyfarwyddiaethau a thynnu sylw at y rhagolygon y byddai'r Sefydliad yn cyrraedd pob targed erbyn diwedd y flwyddyn. Diolchodd TC i HG am ei arweinyddiaeth arbenigol, gan nodi bod cyfrifon cytbwys y Sefydliad bob blwyddyn yn hwyluso ffocws ar gyllid datblygu.

Diolchodd y Bwrdd i bob tîm a oedd yn rhan o baratoi'r adroddiadau ariannol.

<p><b>Cymerodd y Bwrdd sicrwydd</b> ynghylch perfformiad a threfniadau llywodraethu'r sefydliad, cynnydd yn erbyn cyflawni ei strategaeth gan gynnwys cyflawni/adfer gwasanaethau a rhaglenni allweddol.</p>	
<p><b>ICC 2025.03.26/3.4</b></p>	<p><b>Pwyllgorau'r Bwrdd: Adroddiad gan Gadeiryddion Pwyllgorau</b></p>
<p>Cyflwynodd y Cadeirydd yr adroddiad a gwahoddodd aelodau'r Pwyllgor i dynnu sylw at unrhyw eitemau o'u cyfarfodydd Pwyllgor priodol.</p> <p>Mynegodd NE ei ganmoliaeth i HG am ei arweinyddiaeth a'i gefnogaeth i'r Pwyllgor Archwilio a Llywodraethu Corfforaethol, ac yn enwedig ei stiwardiaeth ariannol rhagorol o'r Sefydliad.</p> <p>Tynnodd DC sylw at y drafodaeth fanwl yn y Pwyllgor Ansawdd, Diogelwch a Gwella ynghylch Rhaglenni Sgrinio'r Sefydliad a'r heriau cysylltiedig. Nododd DC hefyd y sicrwydd a roddwyd bod y Sefydliad wedi mynd i'r afael yn llawn â'r camau gweithredu a godwyd gan arolygiad Rheoliadau Ymbelydredd Ïoneiddio (Amlygiad Meddygol) (IR(ME)R) Arolygiaeth Iechyd Cymru yn Bron Brawf Cymru a'r gwersi cysylltiedig a ddysgwyd.</p> <p><b>Nododd y Bwrdd yr adroddiad a chymerodd sicrwydd</b> o'r cynnwys a'r diweddariadau a ddarparwyd yn y cyfarfod.</p>	
<p><b>Egwyl</b></p>	
<p><b>ICC 2025.03.26/4</b></p>	<p><b>Eitemau i'w Cymeradwyo</b></p>
<p><b>ICC 2025.03.26/4.1</b></p>	<p><b>Rheoli Risg</b></p>
<p>Cyflwynodd CB yr adroddiad a chrynhoi'r gwaith a wnaed i adnewyddu'r Risgiau Strategol er mwyn sicrhau eu bod yn adlewyrchu Strategaeth Hirdymor (LTS) a Chynllun Integredig Tymor Canolig (IMTP) y Sefydliad. Diolchodd CB i aelodau'r Bwrdd a chydweithwyr y gyfarwyddiaeth am eu cyfraniad at adnewyddu'r Risgiau Strategol a nododd fod Cofrestr Risg Strategol ddiwygiedig gyda ffynonellau sicrwydd a pharodrwyd i dderbyn risg wedi'u diweddarau i'w chyflwyno yng nghyfarfod y Bwrdd ym mis Gorffennaf.</p> <p>Crynhodd CB y gwaith sy'n mynd rhagddo ar draws pob un o'r risgiau strategol presennol, gyda chyfraniad gan y Perchnogion Risg Strategol.</p> <p><b>Risg Strategol 1</b></p> <ul style="list-style-type: none"> <li>Nododd CB y dylid canolbwyntio ar anghydraddoldebau ac adolygiad o'r rhaglenni iechyd a llesiant a'u heffaith, gan dynnu sylw at y rhaglen diabetes a gwaith Sefydliad Iechyd y Byd (WHO) ar yr economi llesiant.</li> </ul> <p><b>Risg Strategol 2</b></p> <ul style="list-style-type: none"> <li>Nododd CB y gwaith sy'n mynd rhagddo ar system Iechyd y Cyhoedd arbenigol.</li> <li>Pwysleisiodd JM y traws-gydweithredu yn y maes hwn ac adolygiad o raglenni i sicrhau cyfeiriad clir ar y cyfraniad a'r gwaith parhaus sydd ar y gweill i gyflawni hyn.</li> </ul> <p><b>Risg Strategol 3</b></p> <ul style="list-style-type: none"> <li>Gan amlygu'r gwaith o adnewyddu Ein Dull o Ymgysylltu, cododd CB ei disgwyliad o Fframwaith Profiad Pobl Cenedlaethol a fyddai'n llywio ein dull o ymdrin â phrofiad y boblogaeth a chasglu adborth.</li> </ul>	

- Myfyriodd SA ar y gwaith gwyddor ymddygiad sydd ar y gweill a datblygiad rhwydwaith anffurfiol ar gyfer Iechyd Cynhwysiant i alluogi dysgu ar y cyd.

#### Risg Strategol 4

- Nododd CB y cynnydd da a wnaed yn erbyn llawer o'r camau gweithredu, yn enwedig yr academi Arweinyddiaeth a Rheolaeth, a nododd fod y Sefydliad yn edrych ymlaen at ystyried canlyniadau'r arolwg staff maes o law.
- Nododd NL fod yr oedi gyda'r Strategaeth Pobl wedi'i hadnewyddu oherwydd yr angen i geisio mwy o ymgysylltiad ar draws y gweithlu.

#### Risg Strategol 5

- Nododd CB fod y risg hon wedi newid yn sylweddol ers yr adroddiad diwethaf a bod hyn wedi'i adlewyrchu mewn nifer o newidiadau arfaethedig i gamau gweithredu. Aeth CB ymlaen i dynnu sylw at y gwaith sydd ar y gweill ar yr asesiad Ansawdd yn erbyn chwe pharth safonau ansawdd gofal iechyd.
- Cynghorodd MK fod y risg hon dan adolygiad cyson ac yn adlewyrchu newidiadau'n ddeinamig ar draws y system.

Diolchodd PB i CB am y diweddariadau i bob un o'r risgiau strategol presennol a gwahoddodd CB i gyflwyno'r risgiau strategol wedi'u diweddarau fel y cyfeirir atynt yn yr eitem nesaf ar yr agenda, sef IMTP.

Briffiodd CB aelodau'r Bwrdd am y risgiau strategol wedi'u hailfframio, gan nodi bod Risg Strategol 1, 2 a 3 wedi'u cyfuno a bod risg strategol newydd wedi'i hychwanegu. Cyfeiriodd CB hefyd at gynnwys risg newydd ar newid hinsawdd. Gwahoddodd PB aelodau'r Bwrdd i wneud sylwadau ar y risgiau newydd a cheisiodd eu cymeradwyaeth i'w cynnwys yn yr IMTP.

Gan fyfyrion gadarnhaol ar welliant yn yr iaith, y tryloywder a'r gallu i fesur effaith gwell o'r Risgiau Strategol wedi'u diweddarau a'u mesurau rheoli, **cymeradwydd** y Bwrdd y risgiau strategol wedi'u hadnewyddu a chymerodd sicrwydd ynghylch rheoli Risgiau Strategol o fewn y Sefydliad.

ICC 2025.03.26/4.2

**Cynllun Tymor Canolig Integredig (IMTP) / Cynllun Blynyddol / Strategaeth Gyllideb**

Ymunodd NJ â'r cyfarfod ar gyfer yr eitem hon (ymunodd am 13:22).

Cyflwynodd HG yr eitem ac atgoffodd y Bwrdd o'r ddyletswydd statudol i gyflwyno Cynllun Tymor Canolig Integredig cytbwys yn ariannol yn dangos ein cynlluniau dros y 3 blynedd nesaf, a oedd yn cyflawni Blaenoriaethau Ysgrifennydd y Cabinet a nodir yn y Llythyr Cylch Gwaith.

Atgoffodd HG y Bwrdd hefyd am y ddwy sesiwn Datblygu'r Bwrdd a gynhaliwyd ar yr IMTP ym mis Rhagfyr 2024 a mis Chwefror 2025. Yn dilyn sesiwn mis Chwefror, ysgrifennodd y Prif Weithredwr at Gyfarwyddwr Cyffredinol Llywodraeth Cymru yn nodi pa flaenoriaethau y byddai angen trafodaethau a chyllid pellach arnynt. Nid oedd ymateb wedi dod gan Lywodraeth Cymru ar hyn o bryd.

Canmolodd HG gynllun y Cynllun Tymor Canolig Integredig ac atgoffodd y Bwrdd am y Mapiau Llwybr newydd a weithredwyd i ddangos y camau a gymerwyd rhwng nawr a 2035.

Trafododd HG y risgiau a'r pryderon, gan gynnwys dichonoldeb cyflawni cynllun uchelgeisiol, yn enwedig y strategaeth ddigidol. Ychwanegodd HG fod llawer o waith wedi digwydd ar ddadansoddi newid, sut y byddem yn mesur y manteision i sicrhau bod ein gwaith yn gyson.

Amlygodd HG y ffaith bod Strategaeth y Gyllideb wedi ymrwmo i gefnogi cyflawni ein Cynllun Tymor Canolig Integredig. Trafododd HG y themâu allweddol y byddai angen eu cynnal er mwyn sicrhau ein bod yn parhau i gyflawni yn erbyn ein dyletswyddau ariannol.

Nododd IB un newid bach i'r Cynllun Tymor Canolig Integredig, mewn perthynas â'r camau gweithredu ar y bwch mewn disgwyliad oes iach rhwng yr ardaloedd mwyaf a lleiaf difreintiedig a gosod ein huchelgais ar gyfer 2035 ar gyfer lleihau hyn yn y chwarter cyntaf. Nododd IB y byddai hyn wedi bod yn ddibynnol ar y Swyddfa Ystadegau Gwladol yn cyhoeddi data ar 3 Ebrill a gafodd ei ganslo oherwydd pryderon ynghylch y ffigurau. Newidiwyd hyn i chwarter 3 i ganiatáu amser i weithio drwy'r data.

Diolchodd PB i NJ a'r tîm am y gwaith ar y Cynllun Tymor Canolig Integredig a chanmolodd y broses, cyfranogiad y Bwrdd a'r cynllun terfynol.

Myfyriodd KY yn gadarnhaol ar y naratif ynghylch ein gwaith gyda'r cyhoedd a hysbysu'r cyhoedd, sy'n dod i'r amlwg yn fwy nag mewn Cynlluniau Tymor Canolig Integredig blaenorol. Cytunodd HG ac amlygodd bod y newidiadau hyn wedi dod o'r trafodaethau a gynhaliwyd mewn sesiynau cynharach, a oedd yn ddefnyddiol.

Canmolodd TR y cynllun a nododd fod y strwythur newydd yn llifo'n well.

Cytunodd CJ fod y cynllun yn hygyrch ac yn hawdd ei olrhain, a bod y daith o'r llythyr cylch gwaith hyd at y cynllunio, yn enwedig drwy'r cynlluniau map trywydd, yn arbennig o ddefnyddiol i Gyfarwyddwyr Anweithredol newydd ddeall y broses gyffredinol. Cytunodd PB fod y Cynllun Strategol yn cyd-fynd â'n Strategaeth Hirdymor a'n cynllunio ar gyfer y dyfodol. Nododd PB, gan fod y cynllun wedi'i adeiladu ar y mapiau trywydd, y byddai'n cael ei adolygu'n rheolaidd.

Cododd TR y mater bod y cynllun yn dod â llawer mwy o atebolrwydd, a chwestiynodd a fyddai gennym y data sydd ei angen i adrodd ar y targedau sydd i'w cyflawni gennym ar ddiwedd blwyddyn 3.

Cytunodd SG â'r sylwadau cadarnhaol a chododd bryderon ynghylch yr amgylchedd allanol yr ydym yn gweithio ynddo a gofynnodd sut yr ydym yn rhannu'r model yn fyd-eang ac yn dysgu gwersi. Ymatebodd TC fod Prif Weithredwyr y 4 Gwlad yn cyfarfod bob chwarter, fel y mae Cadeiryddion y 4 Gwlad, ac yng nghyfarfod diweddaraf y Prif Weithredwyr trafodwyd heriau iechyd byd-eang a syniadau i gynllunio ymarfer ledled y DU a byddai ar yr agenda nesaf ym mis Mai. Ychwanegodd TC y byddai IANPHI yn cyfarfod yr wythnos nesaf.

Diolchodd TC i'r tîm am eu gwaith a diolchodd hefyd i aelodau'r Bwrdd am eu mewnbwn drwy sesiynau Datblygu'r Bwrdd i gyrraedd y cam hwn. Nododd TC y byddai Bwrdd Rhaglen Newid yn cael ei sefydlu gyda Swyddogion Gweithredol a fyddai'n cyfarfod yn fisol. Nododd TC ei fod yn IMTP heriol a byddai angen i ni sicrhau ein bod yn systematig yn ei weithredu.

**Cymeradwyodd** y Bwrdd y Cynllun Strategol a'r Strategaeth Gyllideb a'r Cynllun Ariannol 2025/26 - 2027/28 i'w cyflwyno i Lywodraeth Cymru ar 31 Mawrth 2025.

Gadawodd NJ y cyfarfod am 13:52.

**ICC 2025.03.26/4.3**

**Cofnodion a Log Camau Gweithredu o Gyfarfod y Bwrdd (30 Ionawr 2025)**

**Cymeradwyodd** y Bwrdd gofnodion Cyfarfod y Bwrdd a gynhaliwyd ar 30 Ionawr 2025 fel cofnod cywir o'r cyfarfod.

Rhoddodd y Bwrdd **ystyriaeth** i'r Camau Gweithredu agored ar y Log Gweithredu. Cymeradwywyd cau'r camau gweithredu a gwblhawyd.

Gadawodd SG y cyfarfod am 13:51pm.

**ICC 2025.03.26/4.4**

**Cytundeb Lletya Gweithrediaeth y GIG**

Cyflwynodd PV yr adroddiad, a oedd yn nodi'r adolygiad cynhwysfawr o gytundeb lletya Gweithrediaeth y GIG yn dilyn yr atodiad blaenorol i'r cytundeb lletya gwreiddiol. Nod yr adolygiad oedd cryfhau'r lefelau llywodraethu a sicrwydd ac amlinellodd gyfrifoldebau clir ar gyfer pob parti.

Nododd PV y newidiadau allweddol arfaethedig i'r cytundeb, a oedd yn cynnwys amserlen sicrwydd i sicrhau bod Gweithrediaeth y GIG yn gweithredu o fewn fframwaith llywodraethu Iechyd Cyhoeddus Cymru, dogfennau darparu gwasanaethau, eglurhad o linellau atebolrwydd proffesiynol a gofynion ynghylch buddiannau a chofrestrau risg. Byddai'r cytundeb wedi'i adnewyddu yn disodli'r holl gytundebau blaenorol.

Cododd PV ddau gymal heb eu datrys i sylw'r Bwrdd, gan nodi nad oedd y ardoll lletya wedi'i chytuno eto a bwriad i egluro rôl Dirprwy Brif Weithredwr GIG Cymru yng ngweithrediad Gweithrediaeth y GIG a'r berthynas cynnal.

Diolchodd y Bwrdd i PV am nodi'r newidiadau arfaethedig yn glir a **chymeradwyodd** y cytundeb lletya diwygiedig yn amodol ar gytuno ar y telerau sy'n weddill ac yn amodol ar ddod i gytundeb ar y ffi lletya.

**ICC 2025.03.26/4.5**

**Diweddariad i Reolau Sefydlog a Chynlluniau Cadw a Dirprwyo Pwerau Iechyd Cyhoeddus Cymru**

Cyflwynodd PV yr adroddiad, a oedd yn nodi newidiadau i'r Rheolau Sefydlog ac adolygiad o gadw pwerau yn ôl a dirprwyo pwerau. Roedd y diwygiadau wedi cael eu hystyried gan y Tim Gweithredol a'u hargymell gan y Pwyllgor Archwilio a Llywodraethu Corfforaethol yn ei gyfarfod ar 10 Mawrth 2025.

Rhoddodd PV wybod am Gylchlythyr Iechyd Cymru diweddar a oedd yn nodi newidiadau perthnasol i amseriadau hysbysu a chyhoeddi agenda a phapurau cyfarfodydd y Bwrdd a'r Pwyllgorau a chynghorodd fod y newidiadau arfaethedig i'r Rheolau Sefydlog yn sicrhau cydymffurfiaeth y Sefydliadau. Daeth PV â'r diweddariad i ben drwy nodi y byddai adolygiad pellach yn cael ei gynnal ym mis Mai 2025, a fyddai hefyd yn cynnwys gwelliannau i'r Fforwm Partneriaeth Lleol.



<b>Cymeradwyodd</b> y Bwrdd y newidiadau arfaethedig i'r Rheolau Sefydlog.	
<b>ICC 2025.03.26/5</b>	<b>Eitemau i'w Nodi</b>
<b>ICC 2025.03.26/5.1</b>	<b>Adroddiad Preifat y Cadeirydd (30 Ionawr 2025)</b>
<b>Nododd</b> y Bwrdd Adroddiad Preifat y Cadeirydd.	
<b>ICC 2025.03.26/5.2</b>	<b>Blaengynllun y Bwrdd</b>
<b>Nododd</b> y Bwrdd Flaengynllun y Bwrdd.	
<b>ICC 2025.03.26/5.3</b>	<b>Papurau Preifat y Bwrdd</b>
Dim.	
<b>ICC 2025.03.26/6</b>	<b>Dyddiad y Cyfarfod Bwrdd Ffurfiol Nesaf</b>
Diolchodd PB i bawb am eu cyfraniadau i'r cyfarfod. Estynnodd PV ei diolch ar ran y Bwrdd i Huw George a Diane Crone, a oedd ill dau yn gadael y Sefydliad, am eu cefnogaeth a'u cyfraniad i Iechyd Cyhoeddus Cymru yn ystod eu cyfnod yn y gwasanaeth.	
Cynhelir y cyfarfod nesaf ar 29 Mai 2025.	
Daeth y cyfarfod i ben am 14:30.	

DRRAFT